



T3041/4218

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 4 1938





新鐫海內奇觀卷之三

哈佛大學漢和
圖書館珍藏印

中華書局影印

唐一以遊道人 楊爾曾 輯


西湖圖說

世宗

錫州

西湖故明聖湖也周繞三十里三面臨山谿谷樓注下有淵泉
百道瀦而為湖漢時金牛見湖中人言明聖之瑞遂稱明聖湖
以其介于錢唐也又稱錢塘湖以其輪委于下湖也又稱上湖
以其負郭而西也故稱西湖云西湖諸山之脉皆宗天目天目
西去府治一百七十里高三千九百丈周廣五百五十里蜿蜒
東來凌深拔峭舒岡布麓若翔若舞萃于錢唐而嶢萃于六竺
從此而南而東則為龍井為大慈為玉岑為精慶為南屏為龍

昭慶大佛圖



每句詩見


卷三

高句

卷三

高句

孤山六橋圖



忠烈祠 觀來

舟行新觀

卷三

四

長江

孤山新觀


卷三

三


長江

海內行見

岳武穆王墓園



金沙灘



海內行見

卷三

四

三台




法苑珠林


卷三

五

美白堂



圖第淨意
跑慈



每竹奇見



西園

錢塘江圖

回耀峰

壁觀峰

五雲山



金液泉

六和塔

清風亭

寶刀礮

回龍橋

海山圖

爲鳳爲吳皆謂之南山從此而北而東則爲靈隱爲仙姑爲履
泰爲寶雲爲巨石皆謂之北山南山之脈分爲數道貫于城中
則巡臺藩垣帥閩府治運司黌舍諸著清河文錦壽安弼教東
園鹽橋褚堂諸市在宋則爲大內德壽宗陽佑聖諸宮隱隱
賑皆王氣所鍾而其外邏則自龍山沿江而東環沙河而包括
露骨于茅山艮山皆其護沙也北山之脈分爲數道貫于城中
則泉臺分司諸署觀橋純禮諸市在宋則爲開元景靈太乙龍
翔諸宮隱隱賑賑皆王氣所鍾而其外邏則自霍山繞湖市半
道紅衝武林門露骨于武林山皆其護沙也聯絡周匝鈎綿秀
絕鬱葱扶輿之氣盤結葦厚濬發光華體魄閱矣潮擊海門而

上者晝夜再至夫以山奔水導而逆以海潮則氣脈不解故東
南雄藩形勢浩偉生聚繁茂未有若錢塘者也南北諸山崢嶸
廻繞滙爲西湖洩惡停深皎潔圓瑩若練若鏡若雙龍交度而
領下夜明之珠懸抱不釋若蓮萼層敷拊瓣莊嚴而馥郁花心
含瀼甘露是以天然妙境無事雕飾觀之者心曠神怡遊之者
畢景留戀信蓬閣之別墅宇內所希觀者也

錢塘門瀕湖爲玉蓮堂折而北爲來鵲樓折而西爲溜水橋湖
波注其下作瀑布聲過橋爲昭慶律寺廻廊曲檻金碧輝煌浙
西叢林第一寺北爲慶忌塔前有石池相傳有怪物出水若鐵
棺然寺西爲石函橋放生亭橋有水閘洩湖水以入下湖沿東

西馬塏全角埂至歸錦橋凡四派亭在寶石山麓有碑記禁民採捕橋西曰寶石山本名巨石山高六十三丈周一十三里巔有崇壽禪寺寶所塔亦稱保叔塔樓閣憑空軒窓夾月塔門舊有張卽之書湖山勝槩四字今移置淨慈寺閣壽星石一在塔後一在看松臺下各大數十圍塊然無根望之如斷石屏風獅子峰皆以形似名之屯霞石色赭如霞介立崖畔看松臺去寺左百步俯臨巨壑凌駕松杪松下有石圓如隕星曰落星石乳泉井去看松臺百步泉白而甘一勺泉在崇壽寺右壁天然圖畫在寺右一勺泉之陽山麓爲大佛禪寺一峯數仞僅刻半面飾以黃金射水如月傳爲始皇纜艇石傍有沁雪泉深廣可二

尺大旱不枯黃塵赤日之困到此盡消緣岡被磴水竹叢叢立丹谷翠人家如棋布鷄鳴犬吠皆在雲中矣又西爲智果寺寺舊在孤山宋紹興間徒築于此叅寥泉者蘇子瞻守杭州與智果僧叅寥子善名其所居泉曰叅寥泉寺徙北山泉適出寺後好事者仍名叅寥以志舊蹟西爲顯功廟祀宋布衣岳瑀又西爲錦塢在寶雲山東宋時花卉燦然若錦故名初陽臺在山巔清曉烟消日出海底谷巔一眺炯然奇觀紫陽書院祀朱紫陽先生也葛翁井在智果寺西南上方下圓相傳葛稚川投丹之所又西爲寶雲山瑪瑙講寺寺故在孤山名瑪瑙寶勝院紹興間徙築于此後僕夫泉者祥符間僧智圓居孤山有僕夫藝竹

得泉名僕夫泉後徙寺茲山元僧芳州鑿地得泉遂名後僕夫
泉又西爲葛嶺嶺上有葛仙墓其前爲四聖延祥觀又西爲虎
頭巖山形突出若虎頭望氣者謂杭州有王氣藝祖命鑿之今
斷落矣又西爲鳳林寺俗名喜鵲寺葛嶺之西爲履泰山棲霞
嶺嶺上桃花爛燦色如凝霞北有古劔關蓋左寶雲右仙姑兩
山夾峙若劔門然有水名桃溪經岳墳前入湖嶺西爲烏石塢
棲霞洞一名紫雲洞在嶺巔牛皐墓在劔門關畔嶺北有金鼓
洞昔人伐石其間聞金鼓下作乃止嶺下爲岳武穆王墓青塚
一坏金甲葬其下無復有象祁連山色者範金作獄囚三反接
五木雁行跪其前中爲秦檜一是其妻王氏一卽万侯崗崗殿

獄得大理卿王以東窓下共謀者遊人無不切齒捶擊以洩英
雄之憤當路有分屍塢乃英廟時郡丞馬偉鋸檜中開下離
上合以當商君車裂至今不凋前有石壁書盡忠報國四字每
字方五尺餘萬曆間司禮東瀛孫隆復捐貲買地斥馳道于湖
濱廟貌頓然改觀隆真中官之傑也兩忠祠以祀建州布衣劉
允升殿前司小校施全臨安義士隗順流芳亭在墓西有石刻
王像墓之後爲掃箒塢護國仁王禪寺自寺址斗折而上爲黃
龍洞又西爲淨性禪寺傍有青木橋履泰山之西爲仙姑山山
之西東山街口可通古蕩西溪靈隱山脉至此少伏若斷而連
傍有桃花街張憲墓又西爲青芝塢其前爲佛牙塢玉泉講寺

原名淨空院前有池畝許清澈可鑑蓄五色魚數十頭遊泳如
畫其後爲雲峰禪寺原名鷲峰禪院又北爲法華山去靈隱山
後可里許去北十里爲西溪秦亭山則法華之分脉也俗訛爲
蜻蜓山方井在桃源嶺下徑六尺深一仞許亭其上又有佛慧
禪寺智勝庵東嶽廟廟前有聯云善報惡報遲報速報終須有
報天知地知神知鬼知孰謂無知乃楊爾曾題書也青芝塢西
南爲慶化山水竹塢神霄雷院院宋羽士陳崇真所居每六月
二十四日郡人雲集設醮捨貲至今不廢仙姑山之西南爲駝
巘嶺行春橋橋故宋左軍教場一名橫衝橋又西有小行春橋
乃九里松徑其南爲黃泥嶺可達南山九里松

廣直夷益深

奧寥閭古松鳴泉四顧響谷唄聲人籟雜以成頹傷有麴院卽
十景中麴院風荷也折而南爲仙芝嶺俗稱胭脂嶺自北而南
可達小麥嶺有晉福講寺穹殿傑閣諸刹罕倫 國初猶盛今
已寥落葛翁井亦稚川遺跡有無尾螺獅西爲黑觀音堂在集
慶寺之東又西爲集慶寺又西南爲合澗橋橋在飛來峰路口
北澗自靈隱而下南澗自天竺而下合流于此號曰錢源飛來
峰卽雲鷲峰界靈隱三竺兩山之間蓋支龍之秀演者高不踰
數十丈而怪石森立青蒼玉削若駭豹蹲獅筆卓劍植衡從偃
仰益玩益奇上多異木不假土壤根生石外矯若龍蛇鬱鬱然
丹葩翠蕤蒙幕聯絡冬夏常青其下巖石肺覆巧而空中辟間

海內奇觀 卷三
鐫布佛像皆元僧楊璉真珈所爲也龍泓洞一名通天洞壁間
有蔣之奇篆書賈似道廖瑩中等題名青林洞一名理公巖戶
扉深杳寒粟侵肌暑遊最快玉乳射旭二洞宛轉通明懸泉浙
浙乳溜若凝肪然有徑可陟山頂壁間題刻甚多苔蘚侵蝕漶
漫不可辨識奇石纍纍若鏤若刻信天巧所爲非人力也靈鷲
塔一名理公塔在龍泓洞口蓋慧理遺蹟回龍橋在龍泓洞之
左右門澗卽冷泉所經一名靈隱浦先時澗浦深廣可以通舟
紹興間有堪輿家言靈隱火山得水可以禳災乃建石閘以儲
澗水弘治十三年山水橫發閘崩而澗溢寺遂頽圯近得司禮
東瀛孫隆莊嚴葺治便覺祇林方丈不減淨慈閘旁舊有連巖

棧伏虎棧皆爲楊髡鑿成佛像醜怪刺目無復天成之趣冷泉
亭依澗而立飲其流水齒扁爲盱江左贊隸書靈隱山去城西
十二里高九十二丈周一十二里亦曰仙居曰武林俗稱西山
其山起欵出隄跨富春控餘杭蜿蜒數百里結局于錢唐如引
兩臂南垂隰脂嶺址垂駝巘嶺址高峰石磴數百級曲折三十
六灣上有華光廟以奉五顯之神山半有馬明主廟春日祈蠶
者咸往焉頂有浮圖登高一望則群山屏列湖水鏡淨雲光倒
垂萬象在下漁舟歌舫若鷗鳧出沒烟波遠而益微僅覩其影
西望羅刹江若匹練新濯遙接海邑茫茫無際郡城正值江湖
之間委蛇曲折左右映帶屋宇鱗次草木雲蓊鬱鬱葱葱悉歸

斜睫靈隱禪寺晉咸和僧慧理建山門扁曰絕勝覺場相傳葛洪書或云宋之問書殿中有拜石長丈餘有自然花卉鱗甲文工巧如畫轉輪經藏一座往來者無不推移云免輪迴之苦山半爲石筍峰一名卓筆峰高數十丈圓峭特立茯苓泉在寺後山古松婆娑泉極甘冽韜光庵者韜光禪師所建內有金蓮池烹茗井門扁曰小有洞天又西爲粟山山高六十二丈石人嶺一名馮公嶺形如人狀雙髻聳然下有洞府名玉女巖西北有珍珠塢東墓嶺飛泉二道吳大帝石杵存馬上刻黃武二年歲在戊午八月三日凡十二字過嶺爲西溪居民數百家聚爲村市俗稱留下相傳宋高宗初至杭以其地豐厚欲都之後得鳳

凰山乃云西溪且留下後人遂以爲名湖山至此幽邃極矣出錢塘門山色層層如芙蓉千片從昭慶寺折而西爲斷橋湖光如鏡峰岫寫影其中橋故名寶祐唐時呼爲斷橋又有段家橋之稱十錦塘本名樂天堤因湖水潑削日久傾圮萬曆間司禮東瀛孫隆捐貲修築延袤三里橫濶三丈四圍石砌中路鋪沙襍植桃柳花卉中爲錦帶橋烟梭霞繡葱藹芊綿遙望如裙帶而長望湖亭四面玲瓏夏飲最快孤山歸介湖中碧波環遶勝絕諸山四賢祠正德間郡守楊孟瑛建以祀唐鄴侯李泌舍人白居易宋學士蘇軾處士林逋三人皆刺杭州有惠政而林以逸民俎豆其間信纓綬之不足貴也山之陰卽處士墓野梅

數株偃其傍北爲放鶴高其巔有歲寒岩石壁陡絕蒼蘚剝蝕
中隱見篆書三大字下疏郭令公歷中書二十四考廣成子住
崆峒萬八千年相傳爲東坡題其上平夷四曠可眺全湖卽林
和靖四照閣故基也下有處士橋瑪瑙坡在孤山之東碎石文
瑩若瑪瑙然三賢祠在望湖亭西吳山疊翠如畫屏列于几前
一鏡平湖澄波千頃樓臺迥出林木翳然得孤山之秀脉爲兩
湖之大觀陸宣公祠規制宏敞吞吐湖山臺榭之盛爲一時冠
六一泉在孤山之南西泠橋一名西林橋又名西陵橋從此可
往北山蘇公堤自南新路屬之北新路橫截兩湖如長虹臥澗
中宋蘇子瞻守郡濬湖而築之來 花柳中爲六橋春時花飛

絮落撮以爲茵擁麗人馳寶馬而至者更相枕馬彼噓此談此
賞彼態互相點爲景醉則鬪鷄走械六博蹴鞠無日無之畫船
穿捲篷下時時倚棹聽堤上人歌舞真忘其身之非我矣堤南
第一橋曰映波與西泠第六橋對第二橋曰鎖瀾與西泠第五
橋對第三橋曰望山與西泠第四橋對第四橋曰壓堤與西泠
第三橋對第五橋曰東浦與西泠第二橋對第六橋曰跨虹與
西泠第一橋斜對稍北則爲西陵橋趙公堤宋京尹趙與鸞自
北新路第二橋至麴院築堤以通靈竺之路履泰將軍廟在裏
湖之金沙灘將軍姓孫名顯忠錢唐人仕吳越爲名將楊公堤
裏湖西坵是也知府楊孟瑛所建俗稱裏六橋然通北三橋宋

海內奇觀 卷三
時已有之楊公所築特南山三橋耳湖心亭舊爲湖心寺鶴立湖中三塔鼎峙相傳湖中有三潭深不可測所謂三潭印月是也弘治間燬嘉靖間建亭其址尋圯萬曆間重建然湖濤日夜嚙之又幾崩壞得司禮東瀛孫隆重修四礮改建樓閣一時玳瑁金椽琉璃玉照風嚮簷鈴月移花影登樓者不無羽化之想其上對聯極夥摠不如蓮石散人鄭燁一聯云亭立湖心儼西子載扁舟雅稱雨奇晴好席開水面恍東坡遊赤壁偏宜月白風清句佳切耳

湧金門舊名豐豫門省城各門俱有重城獨湧金無重城以其傍城故也稍西北爲柳州亭豐樂樓間水亭折而南爲孫忠烈祠公名燧字克弘餘姚人正德間巡撫江西適遭宸濠之變公抗節而歿嘉靖間御史龐公建祠以祀之又南爲靈芝崇福律寺表忠觀祀錢王鏐者也

清波門宋稱暗門又南有錢湖門今塞流福水橋瀕湖而引水入城經府前者學士橋當宋聚景園前蓋城中鐵冶嶺諸山之水舊出錢湖門輸委于西湖者必經橋下大小岐派若夾字然故稱夾字港港長九十六丈後人訛爲學士港者然則學士橋者豈卽夾字橋之誤歟折而南爲茶坊嶺宋時有茶坊在焉又西南過長橋爲南屏山淨慈禪寺萬工池南屏山峰巒聳秀怪石玲瓏峻壁橫披宛若屏障凌空而中峙者爲慧日峰今以寺

後卷石刻慧日峰三字謬矣傍有石壁刻家人卦中庸樂記篇相傳爲唐人八分書而后人刻司馬溫公書六字亦謬也又有米元章書琴臺二字今皆不存淨慈禪寺周顯德元年錢王俶建宋建隆初禪師延壽以佛祖大意經綸正宗撰宗鏡錄一百卷遂作宗鏡堂寺西南隅有圓照井寺衆千餘飲之不竭東廊應真堂卽田字殿貯五百尊者像作四層相背坐尊尊異形位置曲折閎勝甲于湖山故程翰林秘記文有濕紅映地飛翠侵霄簷轉鸞翎堦排雁齒星垂珠網寶殿洞乎琉璃日耀璇題金椽聳乎玳瑁之語大抵規模與靈隱相若故二寺爲南北兩山之最寺有鐵鍋重數千斤款云梁貞明二年鑄茲寺之建在吳

越時而鍋識貞明或從他寺移來未可考也殿前有雙井寺北有四眼井萬工池在寺門外僧宗本募化與力者萬人故名寺後有蓮花洞巧石層敷若芙蓉之燦爛有居然亭在洞口登茲則湖山風景揚睫無遺矣寺前爲雷峰塔雷峰者南屏山之支脉也穹隆迴映舊名中峰亦曰迴峰宋道士徐立之居此號剝峰或云有雷就者居之故名雷峰吳越王妃于此建塔始以千尺十三層爲率尋以財力未充姑建七級復以風水言止存五級相傳湖中有白蛇青魚兩怪鎮壓塔下藕花居者洪武中僧廣衍所建今爲高文端公諭葬墓塔畔有東退居者亦衍別業也南屏山之西爲九曜山山與赤山聯屬舊有九曜星君殿又

有發祥寺以祀昌化伯邵林又西南過太子灣宋時莊文景獻
二太子攢園圻而南爲石屋嶺石屋洞洞高敞虛朗衍迤二丈
六尺狀如軒榭可布筵几其底邃窄通幽闇然密室周鑄羅漢
五十六身蝙蝠洞在石屋洞側內產蝙蝠大者如鴉亦有純白
者其糞卽夜明砂大仁禪寺俗稱石屋寺其對山名瑞峰又南
過煙霞嶺爲水樂洞洞在煙霞嶺下岩石盤峙洞壑虛幻泉味
清甘聲如金石煙霞洞有象鼻石佛手巖石羅漢東坡留題尚
存陟磴曲折而上爲南高峰峰在南北諸山之界羊腸詰曲松
篁葱蒨非芒屨布襪笏杖不可陟也塔居其頂舊七級今
五級塔中四望則東瞰平蕪烟消日出盡湖山之景南顧大江

波濤洄洑舟楫隱見杳靄間西接巖竇怪石翔舞洞穴邃密其
側有瑞應像巧若鬼工北矚陵阜陂陀曼衍箭櫪叢出薜麥連
雲山椒巨石屹如峩冠者先照壇相傳道者鎮魔之所峰頂有
鉢盂潭潁川泉大旱不涸大雨不盈榮國禪寺卽塔院又有五
顯祠今寺廢而祠存

自太子灣而西爲玉岑山相傳其山產玉故潤媚異常孤峰秀
拔層巒繚繞中有古木倒植森翠凌冬岿上玉岑二字許采書
山門玉岑二字宋理宗書也赤山其土赤壇故名由湖而陟此
者進定香橋爲赤山埠其水曲爲浴鵠灣衣伯雨構水軒于此
自此而南過大慈山出江干商旅不絕惠因澗出自赤山經惠

因寺前以入湖有蛟居澗中故洞口鑄鐵爲牕櫺嵌石以拒之
高數尺因名鐵牕櫺洞惠因寺俗稱高麗寺礎石精工藏輪宏
偉兩山所無自此而北爲法相律寺俗稱長耳相後唐時高僧
法真生有異相耳長九寸上過于頂下可結頤號長耳和尚乾
祐四年跌逝高足漆其真身存馬寺西有定光庵錫杖泉菖蒲
缸久爲豪家所據邇得郡司理胡來朝錢塘令聶心湯守正不
阿遂復故蹟輿論騰歡六通律寺有辟塵爐非木非石扣之錚
然纖塵不染管箕泉在赤山之陰合于惠因澗赤山之北爲三
台山有旌功祠于忠肅公墓公墓名謙字廷益錢唐人 英廟北
狩時公任國事外攘內撫有社稷功 英廟復辟公以寃歿其

子冕奉葬于此成化二年廷議始白遣行人馬晄諭祭之其詞
畧曰當國家之多難保社稷以無虞惟公道以自持爲權姦之
所害在 先帝已知其枉而朕心實憐其忠弘治七年賜諡曰
肅愍建祠曰旌功萬曆十八年浙江撫臺傅孟春題奏改諡卽
遣傅孟春諭祭之其詞畧曰赤手扶天不及介推之祿丹心炳
日寧甘武穆之寃更諡曰忠肅三台山之前爲栗山八盤嶺嶺
有周真人墓真人名思得仁和人精五雷法揣測休咎輒驗

諭葬于此自三台山而北爲小麥嶺其地宜麥故名西有支徑
可通大麥嶺蓋積慶山之陂陁迤邐者有東岳行宮靈應廟永
福橋俗稱飲馬橋吳越宋時皆牧馬于此又西爲大麥嶺嶺當

南北兩山之界又西北過仙芝嶺出九里松其傍爲花家山一名蛇山瀕湖而登爲茅家埠自永福橋折而西北爲靈石山亦名積慶山林壑中時有景光蜿蜒扶輿狀若異物山畔有平頂永清馬鞍延壽等山又西北爲鷄籠山風篁嶺多蒼筤篠蕩風韻凄清至此林壑深沉迥出塵表流淙活活自龍井而下四時不絕嶺下爲沙盆塢一片雲石在風篁嶺上高可丈許青潤玲瓏巧若鏤刻松磴盤屈草莽間有石洞堆砌工緻巉巖可賞片雲亭司禮孫隆所構前設石枰上鐫興來臨水敲殘月談罷吟風倚片雲之句楊梅塢近瑞峰塢獅子峰高出群岫可瞰江滸北望天竺諸峰叠秀如畫延恩衍慶寺俗稱龍井寺有歸隱橋

方員庵寂室照閣閒堂訥齋潮音堂滌心沼薩埵石冲泉諸天閣諸勝龍井本名龍泓葛稚川煉丹于此林樾幽古石鑑平開寒翠甘澄深不可測疏澗流淙泠泠然不舍晝夜閒花寂草延緣其傍或隱或見蒼山圍繞杳非人間時聞鳥韻樵歌響谷虛谷井中相傳有龍居焉禱雨多應水經飲馬橋合黃泥嶺東出茅家埠入湖神運石高可六尺許奇怪兀突特立簷下有木香一架穿繞巖竇宛若蛇蟠正統間中貴李德駐龍井屬旱以八十人搜出此石又疏其傍池三日插劍曰浣花曰浴麟萬曆間司禮孫隆構與衆亭于浣花池前以復古蹟嶺畔舊有崇恩演福寺俗稱南天竺今廢側有靈石峰丫髻峰仙人碁臺金沙井

回泉鐘液龍井景趣幽清聽眺俱爽自此過嶺值中天竺嶺北
爲基盤山山頂有方石舊傳丹砂爲局子分黑白今已漉漫登
其巔則江湖之勝皆可環眺龍井之上爲老龍井有水一泓寒
碧異常泯泯叢薄間幽僻清奧杳出塵寰岫壑縈迴西湖已不
可復覩矣其地產茶爲兩浙絕品再上爲天門可通靈竇徑術
崎嶇草樹蒼鬱人烟曠絕幽悄不禁龍井之南爲九溪在烟霞
嶺西南路通徐村水出江干北達龍井十八澗在龍井之西路
通五雲山雲棲寺寺爲宋大扇和尚志逢所創建弘治間霖雨
發洪經像漂沒院宇蕪蕪隆慶六年釋氏祿宏募建外無崇門
中無大殿有禪堂處衆僧法堂奉經律寶刀巖迴耀峰爲龍虎

環抱東崗而上有壁觀峰峰下出泉名青龍泉中峰之傍有聖
義泉西崗之麓有金液泉三泉竄引涓涓潔冽甘芳汲灌不竭
四大十方慕師而來者禮拜蓮臺座下日有千齋而供奉不乏
允爲一代高僧宏俗姓沈號蓮池浙之望族也

自南屏山而南爲錢糧司嶺吳越王建司于此以徵山課由嶺
而西有荆山沅相傳沅發于楚泉極清徹四時不涸折廣澤禪
寺舊名甘露有泉一泓甘澄可啜若甘露然故以名寺又西南
爲大慈山定慧禪寺山去城可十里在龍山西其北有樵歌嶺
戒定岩定慧禪寺俗稱虎跑寺中有虎跑泉甘冽勝常又西南
爲崇先龔慶禪寺俗呼真珠寺舊名薦福院泉自地迸出寺僧

因鑿爲方池聞剝啄聲則泉益湧壘壘如貫珠名眞珠泉雷峰
路口張園亦有眞珠泉

自清波門折而南爲筆架山方家峪有忠節祠祀宋太學生徐
應鑣者褒親崇壽寺俗稱劉娘子寺又西南爲華津洞有仙人
棋臺榜雲嶺石磴峻絕有小月池靈固石折而南爲慈雲嶺嶺
爲龍山支脉故其山名寺額多以龍名石壁間篆刻梁單闕之
歲興建龍山至涪灘之歲開慈雲嶺一十八字嶺巔有亭曰江
湖偉觀嶺下有觀音洞永壽寺者舊名資仁後改上石龍永壽
院石壁上刻宋仁宗佛牙讚其無偽爲者嶺之南爲龍山其頂爲
天真禪寺今惟一庵存登雲臺又名拜郊臺蓋錢王僭郊天地

之所也臺側有靈化洞武肅王勒壁存焉洞深百步濶十餘丈
和靖東坡題名勳賢祠舊名天真精舍在天龍寺之左祀新建
伯王文成公守仁者也中爲祠堂後爲文明閣藏書室傳經樓
望海亭又有凝道堂諸處置膳田以待四方學者萬曆間毀天
下書院而精舍亦混爲里甲所佃得督撫蕭廩侍御范鳴謙請
于朝始復祠與田有司春秋致祭如禮云天龍寺堂扁曰山舟
貫雲石所書中有凝平井天華寺舊名千春龍冊有願軒妙音
樓化生池勝相寺舊名龍興千佛庵錢氏時有西竺僧轉智者
附海舶歸風鳴浪湧智誦如意輪呪見如意珠王相高十丈風
息得濟智謀建高塔以容佛施建炎兵燬止存五丈觀音諺傳

海內詩集 卷三
人有意度則云轉智者以此也龍華寺舊名龍華寶勝宋藉田
在天龍寺下中阜規圓環以溝塍作八卦狀俗稱九宮八卦田
至今不紊稍南爲妙因山吳越國文穆王忠獻王墓稍北爲玉
厨山善慧禪寺

自清波門折而東南爲鳳凰山山兩翅軒翥左薄湖許右掠江
濱形若飛鳳一郡王氣皆藉此山自唐以來肇造州治蓋鳳凰
山之右翅也錢氏因之遽加拓飾逮南宋建都而茲山東麓環
入禁苑張闕華麗秀比蓬岷佳氣扶輿萃于一脉開署布政駐
輦宅中民吏之所憑依帝王之所臨蒞隱隱賑賑者六七百年
可謂盛矣元時納胡仕之說卽故宮建五寺築鎮南塔以厭之

而茲山到今落寞乃卽開元官建省治面對吳山蓋鳳凰山之
之左翅也我朝因之而官司位署皆列左方爲東南雄會豈
非王氣移易發洩有時也山據江湖之勝立而環眺則凌虛鷲
遠環異絕特之觀舉歸睂睫其麓爲萬松嶺夾道多巨松在唐
時已有之宋時密邇大內碧瓦紅簷鱗次櫛比今夷爲大塗而
松亦無幾矣萬松書院本報恩寺故址弘治間大叅周木燬寺
而建書院中設先師及四配像爲大成殿明道堂居仁由義二
齋顏樂曾唯一亭南北楔綽二曰德侔天地道貫古今以孔氏
子孫世守之嘉靖間侍御潘倣建毓秀閣翼以待四方
遊學之士八幡嶺在萬松嶺右留月玉壺二臺在書院右方上

海內奇觀 卷三
為月岩下為圭石中有四亭曰振衣曰可汲曰依雲曰見湖秀
石巉巖青蒼玉削巒巒然若芙蓉之未舒隱見草莽者不可勝
紀嶺上有沈婆井嶺下有郭公井鐵冶嶺亦有郭璞井又東經
鳳山門折而南過萬松坊為報恩講寺坊為永樂巳亥金臺王
玘書報恩寺有銀杏樹其實無心內有碧梧軒舞鳳軒宋行宮
卽錢王故宮也又南折而西為梵天講寺名南塔有石塔二靈
鰻井金井自梵天寺而北折而西廻繞松磴為勝果禪寺松徑
盤紆澗淙潺澗高軒虛閣盡得江山之勝槩月岩石壁削立有
隙如鏡中秋蟾魄斜圓清輝滿隙若合璧然其傍有月榭巖之
左為中峰上有亭曰天峰孤嘯少師夏公謹所題峰之後為三

佛石仙姑洞郭公泉臥醉石放光石其右為殿前司管俗稱御
校場也山頂石笋林立蒼翠玲瓏森若朝拱錢氏名為排衙石
第二峰舊有白塔塔西小徑石壁夾道通人往來名為石衙宋
初名公多題刻其間從此南望則長江帶繞北望則西湖鑑閣
山下有金星洞通明洞柳浦皆蕪汨不可踪蹟又西為棲雲庵
小雲石海涯別業也由門徑而西可達龍華寺又南為包家山
多桃花宋時有關扁曰蒸霞二月遊人最盛號小桃源山川壇
洪武元年擬建于城西比風師壇于城東北雨雷師壇于城西
南二年詔風雲雷雨各一壇尋又詔併山川共為一壇八年又
詔併城隍合祭壇之左為正宗庵元僧大方建右為三一庵白

玉蟾煉丹之所有像存焉又南爲大慈禪寺俗稱包山寺
自合澗橋折而南爲佛國山門舊爲鍾離權書後改張即之書
今所懸乃明涼國公署額蓋僧家托權勢以爲重未必真藍氏
手筆也下天竺寺坐靈鷲山麓三竺之勝周圍數十里而巖壑
尤美者追聚茲區自飛來峰轉至寺後巖洞玲瓏瑩拔清朗如
伏虬飛鳳層花纍蔓皴殼疊浪妍態怪狀不可縷陳其材木皆
自巖骨擢起蒼翠葱鬱不土而茂傳言茲山產玉故腴潤育物
如此月桂峰舊有月桂亭稽留峰相傳許由隱居茲山故名許
由崦而訛爲稽留蓮花峰在山頂孤石可四十圍開瓣若干葉
蓮花三生石在寺後翻經臺相傳謝靈運爲兒時翻經于此香

林洞一名香桂林舊有香林亭其右爲日月巖葛塢葛井皆稚
川遺踪也神尼舍利塔在靈鷲峰頂又南爲楓木塢中天竺禪
寺寺在稽留峰北山門中天竺三字乃明魏國公署額又有千
歲巖寺對爲永清塢心庵庵之背卽爲龍井庵有白雲巖玉液
泉又西南爲肅儀亭洪武間僧一如重建見心亭武弁李節建
上天竺講寺寺有白雲堂乳竇峰在天竺寺南下有空巖懸乳
如脂甘和可啗其西爲獅子峰雙桂峰其北爲白雲峰其東爲
天香巖烏石峰稍南爲中印峰重岡疊巘蒼翠輝映又西爲娥
眉山夢泉在西坡大悲泉在講堂下流遶殿前經如意池也以
青石爲之方丈面縷如意文曲折回遶可流觴焉出寺折而東

南為幽淙嶺俗稱水出嶺病其不雅易以今名深壑泠泠巉石
齒齒陟此者必布襪芒屨前後牽挽三步一踴五步一躄草樹
四周仰天一線至捫壁嶺則左迫峭嶂右臨深溪緣木扳蘿方
可舉趾活沙者流沙也滑而善崩上至天門則諸山下伏雙峰
錐立西湖鏡開遊覽至此譬諸洞開武庫珍寶橫陳從此而東
則為龍井又南為郎當嶺小青嶺大青嶺升降相因西湖或隱
或見又南為五雲山矣

詞詠西湖十景

曉
穩堤春



十里樓臺花石粉
 疏直向空晴
 山色以龍春曉
 栢柳稍如
 踏月小海
 棠枝上
 極晚夕
 若帳玉人
 初睡
 覺成
 可樓
 亦画
 粉閑
 多少
 扣道
 最
 芳
 人
 秋
 早
 紫
 韶
 嘶
 子
 香
 產
 是

魚花港觀



杜若浮香春露用，浪暖桃花錦
帳鴛鴦，清碧滌發，深菱葉底織
鱗歛沫，搖朱尾。鼓把金鈎，番綠
水，却憶雕欄翠袖人。同倚腸斷
蕭條，書一紙，想與欲報，憑雙鯉。

柳浪聞
鶯



海內詩集

卷三

子乙


長句

西子湖頭春過半萬縷垂楊洵似
波紋亂黃褪綠勻誰暗換俊遊來
繫老駝慣紅喙嬌鶯啼緩韻叶
笙簧幾被風吹斷惱亂佳人停鳳
管背花偷把春纖按




五月涼風來麴院笑菓紅白都開
遍風遞花香清不斷採蓮舟過
歌聲緩醉折碧筒供笑玩翠盞
紅綃高下翻零亂向晚新涼醒
酒面六銖衣薄停紈扇

照雷峰夕



古塔斜陽江欲暝西崦人家半在桑榆
景水印殘霞如濯錦煙籠佛國非凡
境十里畫船歸欲盡漁唱菱歌別
是湖中景待月玉人樓上等珠簾半
倦闌重凭




九法以垂秋气阴冥境初辉四殿
 光昭夜芳第仙姝凌碧沼了彦
 不素天击饱 多少游人耽玩赏画
 新至歌物出平湖上清景如堪家
 多暖石如连曙般勤注




三潭印月

秋靜寒潭澄見底玉色鎔餘飛
入清冷如睡熟驪龍呼不起領珠
光照冰壺裏宴賞此時能有幾
遙憶同懽今夜人千里試問龍淵
深幾許騎鯨欲共姮娥語



快雪時晴寒尚冽玉屑銀沙紛滿
西湖路一道垂虹如釣素素腰草色
北前度斷缺遺環愁日暮想傷凌
波羅襪應難步欲探梅花無處
所山童指點逋仙墓

南屏晚鐘



素嶽深之深幾許佛閣萬鐘
 鯨吼西風裏回之南莊日東地
 瞻種隔斷青蓮宇高飲芳園
 人散去金輪嚴城次第僅將閑
 一望長橋燈火起緙沙影裏
 船歸一騎

兩峰出雲



南北峯頭雲氣繞玉削芙蓉迥出青天
表金碧浮圖瞻縹緲朱甍繡檻臨黃
道下界紅塵飛不到東望洞扉日出
扶桑曉願僧謫仙希一有烏瑤星和上
蓬萊島


新鐫海內奇觀卷四

錢唐 臥遊道人 楊爾曾 輯

吳山圖說

烟雨樓說附

吳山春秋爲吳南界以別于越故曰吳山或曰以伍子胥故訛
伍爲吳故郡志亦稱胥山在鎮海樓之右蓋天目爲杭州諸山
之宗翔舞而東結局于鳳凰山其支山左折遂爲吳山派分西
北爲寶月爲蛾眉爲竹園稍南爲石佛爲七寶爲金地爲瑞石
爲寶蓮爲清平總曰吳山奇嶠危峰澄湖靚壑江介海門回環
拱固扶輿淑麗之氣鐘焉其陟山之徑有門曰登高覽勝石
斗折可數百級許元時平童峇刺罕脫歡所甃也立而環眺則



官司解署衛鎮崇嚴闐闐街衢紅塵霧起市聲隱賑漏盡猶宣
道院僧廬晨鐘暮鼓青樓畫閣雜以笙歌升其巔則縹緲凌虛
碧天四匝山川包界脉絡縷分或昂而爲首或穹而爲脊或掉
而爲尾若亂若聯運掌可數是以聲甲寰宇恢然一大都會也
忠清廟祀吳行人伍員者今稱伍公廟每歲以九月二十日致
祭東岳中興觀宋大觀中建觀側有聖母池圍以石欄今廢玉
樞道院俗稱神霄雷院至德觀在宋渾儀臺側十一曜太歲堂
也紹興間建理宗書額曰至德之觀俗稱星宿閣惠應廟俗呼
皮場廟神爲張森相州湯陰人江東廟剛道士金一清建神姓
石名固秦時贛人廟初在崇福里繼徙貢水之東雷岡因名江

東水神廟明姚世明募建以吳山離象郭內多火故奉諸水神
以鎮之時開基闢土泉水出焉山濬爲池名金龍泉承天靈應
廟俗稱三官堂有天開圖畫清豐亭關王廟萬曆十八年所建
石佛山西聯寶山南向瑞石宋嘉熙間僧鑿石爲三佛海會寺
吳越王建舊名石佛智果院其下有康張廟以奉威濟善利孚
應昭烈康元帥東平忠靖洪濟且景祐張元帥寶山東接石佛山
百法寺在石龜巷宋建炎初建有大佛半身依山鑿石爲之寶
奎寺在寶山頂宋丞相喬行簡故第奇石峭拔東望海門如在
咫尺理宗幸其第書見滄二字賜之勒之崕石遂捨宅爲寺以
寶奎請額詔從之明郡人茅瓚讀青寺中因號見滄嘉靖戊戌

狀元及第作亭覆石上玄妙觀亦在右龜巷內有真宗賜王欽若詩高宗書道德經石刻元時燬洪武始復舊後有石洞幽雅陰寒夏遊最快施公廟在石龜巷口祀宋殿司小校施全報功祠爲百法寺基祀明總督胡宗憲忠節祠嘉靖時建以祀吳行人伍公員唐僕射褚公遂良宋少保岳公飛明太傅于公謙定以每歲八月十五日致祭真聖觀正統九年重建曾光庵在忠節祠北有玉壺池吳波泉七寶山在宋天慶觀後今白馬廟巷之西與寶蓮山相連通玄觀宋內侍劉敖入道修真結庵于此高宗御書通玄二字榜之賜名能真觀中修行蔭庭赤日無暑七寶庵元道士玄谷建定水寺宋乾道建于萬松嶺嘉定間移

于清波門外元至元築城徙七寶山開寶仁王寺高宗南渡僧慧照隨駕卓錫時所建三茅寧壽觀在七寶山東北相傳三茅君長盈次固次衷秦初咸陽人得道成仙自漢以來崇祀之宋紹興賜額曰寧壽觀并昇古器一漢鼎一唐鐘成化十年建昊天寶閣棟宇翬飛金碧騰煥環盼江湖渺歸睫底嘉靖間總督胡宗憲因平島夷奏捷建真武殿萬曆間司禮孫隆重修并建鍾翠亭關王廟內有三義堂侍御王業弘扁曰亘古三人壽春庵者掃帚和尚所居總督胡宗憲建關廟于庵之址簷下有寶蓮井

雲居聖水本二寺也雲居庵者宋元祐間僧了元建聖水寺者

元元貞間僧明本建明本立約其徒不置恒產惟資化緣為僧
家風味至大間沙門指月拓基廣之掘地四尋得甍井甃甃堅
好中有佛首三枚諸相具足遂塗金事之名三佛泉洪武二十
四年併聖水于雲居賜額曰雲居聖水禪寺內有聽松軒了元
號佛印善談諧以禪為戲明本號中峰又號幻住博涉經史洞
徹法源為文操筆立就城隍廟舊名永固在皇山紹興間徙建
于金地山宋元皆有封號前繪神像後繪夫人子孫之像洪武
元年詔天下各府州縣城隍之神止稱本號并去其像易為木
主梓潼帝君廟今稱文昌祠蜀人牟子才等請建火德廟宋以
火德王故建廟于此以奉熒惑之神今郡人禳火皆就廟中蓋

遺蹟在重陽庵在城隍廟東南青衣洞在重陽殿右中方

泉淅淅出石罅清鑿七髮崖壁鑄有八分書及大字心經山頂
巨石墜下有石承之若餽飭然前有石門上橫石梁壁間皆細
字水波文不知何年泮水至此宋韓侂胄賜第寶蓮山下建閱
古堂砌瑪瑙石為池引泉注之名閱古泉陸務觀為之記瑞石
山秀石玲瓏巖竇竅窳寒泉涓瀝滙為滄泓者往往而有清幽
徹骨空翠撲肌湖山奧區罕與倫比橐駝峰峭削凌空雪風洞
豁開曲徑履鳥所涉栩栩然有仙風紫陽庵元道士徐洞陽棲
真處其徒丁野鶴棄俗全真抱膝長逝丁妻王守素奉其屨而
漆之端坐如生今在殿庭之右又有立仙睡仙二像遠視之與

生者無異寶成寺晉天福中建有石觀音羅漢像壁間鐫蘇子瞻寶成院賞牡丹詩筆法甚迥其房有歲寒松竹四字爲明吳東升題清平山在仁孝坊內有郭兒井開元寺唐玄宗時建嘉靖時重修寶月山在藩司對上有黑龍潭深窈如井蛾眉山在寶月山西有八眼井淺山有淒沙坑紫坊嶺竹園山在府治之西南吳山一脈獨趨而北隱隱隆起宋安撫趙與魯建閣其上平鑑西湖扁曰竹山閣


附

烟雨樓說

環嘉禾郡城皆水也其高阜向城而起者拓架其上爲烟雨樓樓之勝瑣窓飛閣四面臨湖水如坐鏡中春花秋月無不宜者若其輕烟拂渚山雨欲來夾岼亭臺乍明乍滅漁舸酒舸茫茫遙載白雲第聞櫂聲咿嘍踈盼而不得其處則霽色爲尤勝郡本澤國婦人女子有白首不知山者鼎食之家或輦石于太湖爲之次則爲樓臺臨水以當之登高眺遠如斯而已

蘇之天根為對嘉湖木以當之登高湖海吹浪而日
 本雲因散人女子自白首不賦山峯與食之寒效登中于太賦
 蘇難白雪黃閣蘇楚甲津來仰而不昇其數限雲也為大湖深
 昔其聲賦蘇山雨谷來夾池亭臺于脚才滅魚賦西風來
 蘇之湖與交派閣四高湖賦水吹坐發中春春殊且舞不日

六橋烟
 柳



綠暗青濃乍有無
 曉鶯啼罷尚籠烏
 隨風不入五侯宅
 帶雨半遮西子湖
 舞徹細腰曾擅
 林之困酣鳩眼
 欹傾吳藕上
 舊日徑行處
 夷道低迎鵲
 尾爐



冷永猿
 嘴


冷泉亭下北山陞
曾見雌雄共引
兒慣聽山僧朝說法
能隨木客夜
吟詩松坡日暖人遊後
蕙帳風寒
窶怨時惆悵
遺音無處覓
竹溪
啼老野棠枝



北園夜

齊


地處水中禁鼓驚依稀風象以元宵
 孩羅香法名市一性也光分紅紅
 梅以少醉親沽酒慢遊童笑逐飛
 餉菊七系系象之結古竹確石間
 五橋初



菴堤
曲院

森陰曲院媯宜春簾捲風
 香逗美人蘓公堤上當壚
 日涼夜月明南浦宿

東海朝暾




海內詩集 卷四 庚白堂
紺霧彤霞爛不收
海門東望浪花浮
超騰渤澥三千界
照耀閭浮四百州
暘谷神龍同變化
高崗鳴鳳自啾秋
近來惟有賓王句
法典重宮筍嶺樓

九里松




湖內詩集 卷四 十一 庚白堂
曾向人間構小窗，卧看蒼翠擁
旌幢。雄聲絕似聞三峽，秀色何
須攬九江。自與竹梅諧舊約，不
隨荷桂入新腔。試觀樹杪悠揚
處，疑是盤空白雀雙。



雪後孤山擁畫圖
 天開霽色炫
 冰壺三竿曉日滑
 殘凍一脈春
 泉入鏡湖放鶴山
 童籠未忍觀
 梅野密杖先扶
 靴中風味誰能
 識
 活火烹香付茗爐

浙江秋



怒扶西風勢未休
滔、何處覓安流
青山隔岸分吳越
白浪排空逼斗牛
鉄箭有靈來昨日
素車遺恨已千秋
晚未試倚禪亭立
楓葉蘆花滿眼愁

席跑泉湧



大士拏楫破窟穴二席
 南來弔神功嘯名颯
 泉感沸霽化醜陋衰
 海融

放生嘉會



浮光渣快倚三闌漫
 松花軟楫往來巨鱗
 能白龍飛去編軍壘
 入艇名如畫




嘉嶽看雲

鹿岩秋雨霽五色巧雲班濃映
 樹中寺橫通江上山紛紛巖勝
 跡迢迢隔塵寰人在下方看分
 明圖畫間

游以詩集
 卷四
 十六
 夷白堂


龍池初雨



游以詩集
 卷四
 十六
 夷白堂

山頂龍池古清泉一派深
三秋逢亢旱頃刻作甘
霖氣結春雲膩光涵曉
村陰淨然祈禱驗足慰
民心

雪
靜軒對



困裏開軒坐悠然
 爰六花清光照書案
 香氣襲窗紗
 山擁玉屏出江潢
 銀漢斜
 道人知意思
 旋取為煎茶

仙塢樵歌



僊子乘風去空留仙塢名老樵
猶自識長日唱歌行隱々穿雲
響丁々應谷鳴飄然下山去風
韻有餘清

雨亭候
漱



江潮猶未至亭上待多時拂石
坐看景臨窻閑和詩海門翻雪
白煙浪逐風馳頃刻至山下何
嘗員所期

禪堂夜月



海門行見

十一

瀟灑禪堂景
杳暗痕未闌
月從滄海起
心倚碧峰看
彩色如雲
動精光侶水
寒嫦嫁塵有
意偏照誦經壇

天目山圖說

徑山附

天目山有二東目在臨安縣西二十里高二千丈西目在於潛縣北四十五里高二千五百丈周廻一百里乃第三十四太微玄蓋洞天也太平寰宇志稱山高三千九百丈廣五百五十里水因山曲折東西巨源若兩目然故曰天目上有三十六洞爲仙靈所居蓋東目崔巍峻巖有重岡疊嶂之奇西目起伏飛揚有龍翔鳳翥之勢分青挾翠以萃止于錢唐萬山林立環拱其下若臣伏之狀郭璞詩云天目山垂兩乳長龍飛鳳舞到錢唐是也山有銘勒在龍池東銘曰列岳霞表群峰霧裏翠滴烟巒名不可紀袁石公謂山有七絕由雙清庄至巔可二十餘里盈

天目山圖



山皆壑飛流淙淙若萬疋縞一絕也石色蒼潤石骨奧巧石徑曲折石壁竦峭二絕也幽谷懸巖庵宇皆精三絕也山高石峻聽雷聲若嬰兒啼四絕也曉起看雲在絕壑下白淨如綿奔騰如浪盡大地作琉璃海諸山尖出雲上若萍五絕也山樹太者幾四十圍松形如蓋高不踰數尺一株直萬餘錢六絕也頭茶香者遠勝龍井筭味類紹興破塘而清遠過之七絕也其名著圖經聲聞寰宇奇標境內雄鎮郡城詎不然哉

正等禪寺在蓮花峰上褒忠寺在天目東麓去朱陀嶺半里許舊名寶福院明空寺在山麓南十餘里重雲塔在千丈岩上舊有夙關舫室今有複閣四層懸崖孤絕登者凜然雲深塔爲斷

崖所建法雲塔在雲深塔東又有藏雲塔晉同塔髮塔

紫霞庵卽水閣灣在雙清庄東山礪屈曲宇舍幽寂時有霞光映戶故名西方庵在玄通岩下活埋庵在獅子岩南後有跌座石中峰嘗于此石禪座高麗王覓而參之曰我師活埋于此乎後人遂以名庵幼住庵在大佛殿東雲封庵卽許真君隱處嘗有雲鎖窓扉紫草庵在山南麓產有紫草故名今廢眉山庵在山西麓眉山之上西池庵在山東麓以在龍池之西得名青嶺庵在山西北重雲庵一名草庵書居庵中峰讀書處今名中雲庵西禪庵卽鉢盂堂今廢至道宮在山之東今爲土地祠環翠堂在雙清庄中背昭明而面旭日左陽和而右紫微群峰旋繞

排闥送青潔淨明爽此堂爲最白雲堂竹木陰森幽邃而敞高
白堂群峰拱揖心目爽然月白樓在伏龍橋下天目之水合流
于後湍急滌洄清潔可愛所謂近水樓臺先得月者是已鎮山
樓在雙清庄前上奉白衣大士扁曰南海遺踪下敞清淨慈門
扁曰西天淨土棟宇峻起簷阿軒翔誠一山之雄鎮也

旭日峰在雙清庄東南旭日照映紅光焜耀陽和峰在雙清庄
東昭明峰在太子庵後乃昭明太子讀書之所下有洗眼池扁
曰靈沼紫微峰在庄西蒼翠交加清光可挹鼓角峰在東塢庵
前團圓聳拔狀如鼓閣三才峰在攢玉峰下三峰並列峭嶮參
天攢玉峰在立玉亭東南上有小石峰千百森然如林瑩然如

玉翠屏峰在大佛殿右壁立萬仞方正如屏上有懸泉數道
木千章棲雲峰在藏雲塔東半壁細縷如雲生態翔鳳峰在中
峰塔後昂頭垂翼如鳳翱翔玉柱峰在塔西象鼻峰在南峰塔
南與獅岩對峙四崩皆絕壁中有石乳下垂狀如象鼻相傳峰
下有白猿玉瓶沉香三寶香爐峰在活埋庵前狀如香爐五岳
峰在圍屏石上五石並立古峭不群花石峰在東塢庵南石罅
玲瓏花紋奪目聳壑峰在立玉亭北四壁皆幽壑莫測其底而
此峰卓立于中石縫中出奇松數本偃若蟠龍蔽芾如蓋西來
峰在幻任垂崖下潘王峰在真際亭後昔高麗潘王參禮中峰
處悟真峰在重雲塔前下有悟真澗浮圖峰在金仙庵西巨石

數層如浮圖叠砌迎仙峰在堆玉澗上聚仙峰在迎仙右昇仙
峰在聚仙下仙童峰在四仙臺左玉女峰在四仙臺右二峰排
列有俊雅姝麗之態昂首峰在絕頂西天柱峰在絕頂上直豎
二石若柱上鐫天下奇觀四字蓮花峰在天目西麓奇峰如出
水蓮花自麓至頂約十五里上有大覺正等禪寺下有無門庵
獨角龍王廟獨角龍池

獅子岩在獅子寺西岩石雄踞狀如後猊有西來庵或關舫飛
雲閣依岩締構高低凡四級下有張公洞洞西爲煉丹池有四
足異形之魚五六尾蟠龍岩在悟道亭下石屈曲如龍蟠伏虎
石在中峰塔右石蹲踞如虎伏玄通岩在西方庵右岩高數百

丈鍊丹岩天目之支峰也層崖峭壁岬立萬仞石色赭赤因以
名焉岩下石室可坐數人室傍有泉出自石竇深廣約數尺泓
澄瑩澈四時不竭遂名丹井井房石降起如曲突狀突上墨黑
如烟所燻遂名丹竈皆好怪者狀之也響水岩在重峰之內步
履者聞其中水聲泠泠不絕竟難覓其支流紫薇岩在山西麓
石皆玲瓏奇狀不一翠微岩在倚翠亭後上有翠竹蒼松奇枝
異木芝草岩在西尖之西有采藥者見上有五色芝草接長竿
採之色遂沒後數日左右有芝皆翠色遂不敢採至今隱現不
常斷壠在其西南石倉亦在其西坎衆山鱗叠宛若倉廩觀音
岩在半山路傍突起一石高大各百餘丈供觀音像于其上千

岩在獅岩之前自上觀之莫測其底龍穴其大逾寸穴外回環之狀徑二寸許若有物盤旋而成欲雨則雲氣先出石城在山西尖之西南章村之隣境高數丈南北五十餘丈其外可履內深邃不可入若城之大小塹石門有二嶺東西各一高者二十餘丈小者百尺自張公舍眺之兩扉對峙一山之絕致也古記云西嶽落暉未張于錦繪東烏炎彩先布于氍毹石庵在西尖頂至爲高峻上覆巨石一片非人力能舉立石遙觀心神暢悅石柱一長一丈一長二丈豎削平直宛如斲成擊之其聲清越石版亦在其上長短大小不可數計皆平淨如砥有全解至地者有解未盡者今鑿痕線道猶存其解至半者用大石砧架定

信非人力所能及好事者欲挈而下輒有風雨蛇虺之變望江石在雲封庵之右隴軒然特立高約百餘丈下銳上豐須編梯級乃可登遙望浙江如一帶海門日上紅光耀目石屋去張公舍不遠常有陰雲怪風生于白晝石鼓在西嶺外塢南下磴道盤折形如鼓周迴百餘丈擊之如鼓聲鍾樓石在半山崗高數丈望之疑烟翠黛四敞如樓絕類羅浮七星石在雙清庄前狀如北斗眠牛石在觀音岩上臥石如牛下有眠牛亭潮音洞圍屏石在斷崖塔西北羅列如屏前三石斜倚于上長十餘丈圍丈餘一石腰有斷痕三四寸而不絕仙臺石在屏石前平正光潤如八仙臺鉢盂石在會同塔前下有真氣洞淨瓶石鶯哥

石童子石俱在觀音岩佛面石在象鼻峰按劍石捧印石在昇
仙峰仙容石在石門西醉仙石在仙容石西二石斜倚若醉翁
頂包石在金仙庵西直豎一石高二丈餘上橫覆一石如遊僧
頂包募化之狀石巷去張公舍二百餘步四圍聳拔石罅一徑
深三十餘丈藤木交蔭森然可畏新婦石一名望夫石在西峰
半山之中道向東昂立勢高五丈天然人形與東目新郎石相
對雷神庵在西尖半山間西方庵之右每大雷電但聞雲中作
嬰兒聲殊不聞雷震也張公舍在山南峭壁門濶五丈高二百
餘丈卽漢天師隱室房有張公小舍相去半里一名天師外室
捫蘿而入可坐數人徐仙姑庵在西尖之北與深坑相隣形若

道家輪藏中有石柱至地四面環望垂石如榻可設臥具云徐
仙之妹于此飛昇又有圍棋石圓廣各數尺平坦滑潤不生苔
蘚仙壇在雲封庵之北相去十餘丈卽許真君禮斗之所許真
宮在西尖下乃修道之邃宇仙樂在西峰絕頂每陰霾欲舒久
晴欲雨是夜必聞空中絲竹具舉越旦或在峰尖或響石谷鄉
民樵者聽以爲候山池仙池俱在西尖絕頂之上深廣各二尺
許久旱不乾久雨不溢每遇歲旱四方禱雨者皆請池水虔禱
卽雨雨卽送還池水天目之名以此洗心池在環翠堂左廣四
尺深三尺清澈如鏡可鑑鬚眉盥洗池在真際亭西冬夏不竭
洗鉢池在張公小舍上龍池有三上池中池下池俱在東北峰

下有溪曰大徑口小徑口有潭形如仰箕曰箕潭中有巨石潭水注入上池在山東垂崖之下高五十仞上有平地數丈名拜斗壇石壁如門峭立對峙以限水之出巨川泛溢則激而反趨于寧川故山前無水患崖間有石如獅下瞰潭水登者據石援蘿而視毛髮慄慄水流入中池又在垂崖之下噴瀉如雷飛濺崖壁下池接馬池周廻三十餘丈紺碧深邃幽沉莫測三面皆駢石環繞南溪入大溪至紫溪七十二灘皆發源于此岩下有滴乳民採以療病池上有亭曰格思今廢下有石倉潭澄泓可鑑又有浮溪水潭其上路傍有泉迸出石澗潭水順流西溪由至道官前曲折而至昭慶廟前爲弄珠也

獅子正宗禪寺在西峰半山中獅子岩之右林洞淵鬱水石古巖清庄舊在昭明峰東麓後因地窄僧衆改遷於今所

徑山說

徑山高三千餘丈週廻五十里乃天目之東北峰有徑通天目故名東西二徑盤旋紆委飛磴而上各高十里許層巒峭壁巒秀環竒而長騫偉觀豁人心目加以篁木陰森嵐霏杳幻登之者莫不訝其非人世也七峰羅列內括一區平林坦壑靈踪異跡不可勝紀

山在臨安縣之北鄙可四十里上有佛祠號曰承天祠有碑額載唐崔元翰文歸登之書山之陽東西二徑松檜交錯盤鬱蒙

翳尋丈之間語聲聞寂躋稜層披翠蒨盡十里許下視來徑青
虬蜿蜒搏岩騰霄其巔峽束洞隱幾不容並行已而內括一區
平林坦壑四面五峰如手豎指一峰南絕卓爲巨擘屋蓋高下
在掌中矣其間小井或云故龍湫也龍亡湫在歲率一來雷雨
暝暄而鄉人祠焉者憧憧然環山多傑木綠杉翠桎千千萬萬
若神官蒼士聯幢植葆駢隣倚徙沉毅而有待者迸溜周合鏘
然璆然若鑿行珮趨而中節者西岑之北數百步屹然巨石屏
張笏立上下左右可再十尺劃而三之若川字隸文曰喝石崑
崑崑被谷修竹茂密東徑坎窞爲池游魚曠空西經東折躡南
峰領脰之間平地砥然盈畝而半偃松一本其高丈其蔭四之

橫柯上聳如芝孤生松下石泓激泉成沸甘白可愛偃松之南
一目千里吳江之濤可挹越岫之桂可攀雲馭靄巒狀類互出
若古圖畫蟲蠹斷裂無有邊幅而隱顯之物尚可名指群山屏
聯呈露罔脊矯矯剪剪咸有意氣

凌霄峰高而秀拔徑山之主也丈人峰一名天顯峰堆珠峰又
名鉢盂峰鉢盂池在其陰御愛峰宋高宗遊幸凝立顧愛遂名
明月池僧妙喜鑿在明月臺下洗硯池東坡洗硯處佛勝水在
石岩下又有朝陽峰鵬搏峰宴坐峰

西徑山有天掌峰驪珠峰瀉玉岩浣雲池

日... 山... 有... 寺... 三... 月... 十... 日... 有... 僧... 住... 持... 之... 事... 甚... 詳... 矣... 其... 始... 創... 於... 宋... 高... 宗... 建... 隆... 年... 號... 曰... 聖... 壽... 寺... 其... 殿... 宇... 宏... 敞... 其... 佛... 像... 亦... 甚... 壯... 麗... 矣... 寺... 之... 後... 有... 山... 曰... 聖... 壽... 山... 其... 山... 之... 頂... 有... 池... 曰... 聖... 壽... 池... 池... 之... 水... 清... 涼... 甘... 美... 飲... 之... 覺... 心... 曠... 神怡... 矣... 寺... 之... 前... 有... 石... 臺... 曰... 聖... 壽... 臺... 臺... 之... 上... 有... 石... 像... 曰... 聖... 壽... 像... 像... 之... 狀... 亦... 甚... 奇... 特... 矣... 寺... 之... 左... 有... 山... 曰... 聖... 壽... 山... 其... 山... 之... 頂... 有... 池... 曰... 聖... 壽... 池... 池... 之... 水... 清... 涼... 甘... 美... 飲... 之... 覺... 心... 曠... 神怡... 矣... 寺... 之... 右... 有... 山... 曰... 聖... 壽... 山... 其... 山... 之... 頂... 有... 池... 曰... 聖... 壽... 池... 池... 之... 水... 清... 涼... 甘... 美... 飲... 之... 覺... 心... 曠... 神怡... 矣...

